

პოლიტიკისა და ადვოკატირების საკონსულტაციო კომიტეტის შეხვედრა აივ/შიდსის და ტუბერკულოზის სამოქალაქო საზოგადოების გაფართოებული წარმომადგენლობით გაიმართა დაავადებათა კონტროლისა და საზოგადოებრივი ჯანმრთელობის ეროვნული ცენტრის შენობაში 2018 წლის 2 ივლისს, 14:00 სთ–ზე.

ამოცანები:

- აივ და ტუბერკულოზის პროგრამებს შორის გლობალური ფონდის 2017-2019 წლების ალკაცის პერიოდისათვის გამოყოფილი ბიუჯეტის გაყოფის განხილვა და შეთანხმება

ესწრებოდნენ:

<i>თამარ გაბუნია</i>	URC, ქვეყნის საკოორდინაციო საბჭოს თავმჯდომარის მოადგილე
<i>ირმა ხონელიძე</i>	დაავადებათა კონტროლისა და საზოგადოებრივი ჯანმრთელობის ეროვნული ცენტრი, გენერალური დირექტორის მოადგილე
<i>ქეთევან სტვილია</i>	დაავადებათა კონტროლისა და საზოგადოებრივი ჯანმრთელობის ეროვნული ცენტრი, გლობალური ფონდის პროექტების განმახორციელებელი ერთეული, აივ პროგრამის მენეჯერი
<i>მაკა დანელია</i>	გლობალური ფონდის ტუბერკულოზის პროექტის მონიტორინგისა და შეფასების სპეციალისტი
<i>მზია ტაბატაძე</i>	დამოუკიდებელი ექსპერტი, „ალტერნატივა ჯორჯია“
<i>ნინო წერეთელი</i>	საინფორმაციო სამედიცინო–ფსიქოლოგიური ცენტრი – თანადგომა, აღმასრულებელი დირექტორი, პასკ–ის წევრი
<i>ირინე ჯავახაძე</i>	საქართველოს ფინანსთა სამინისტრო, საბიუჯეტო დეპარტამენტის სახელმწიფო და ნაერთი ბიუჯეტის ფორმირების სამმართველოს მთავარი სპეციალისტი
<i>მაია წერეთელი</i>	დაავადებათა კონტროლისა და საზოგადოებრივი ჯანმრთელობის ეროვნული ცენტრი
<i>ცირა მერაბიშვილი</i>	დაავადებათა კონტროლისა და საზოგადოებრივი ჯანმრთელობის ეროვნული ცენტრი
<i>კონსტანტინე ლაბარტყავა</i>	არასამთავრობო ორგანიზაცია „ახალი ვექტორი“, პასკ–ის წევრი
<i>თინათინ კოტრიკაძე</i>	ექიმების საზღვრის გარეშე
<i>ხათუნა თოდაძე</i>	ფსიქიკური ჯანმრთელობისა და ნარკომანიის პრევენციის ცენტრი, პასკ–ის წევრი
<i>მაკა გოგია</i>	საქართველოს ზიანის შემცირების ქსელი, გლობალური ფონდის აივ/შიდსის პროგრამის დირექტორი, პასკ–ის წევრი
<i>ზაზა ავალიანი</i>	ტუბერკულოზისა და ფილტვის დაავადებათა ეროვნული ცენტრის დირექტორი

ნანა ქირია	ტუბერკულოზისა და ფილტვის დაავადებათა ეროვნული ცენტრის დირექტორის მოადგილე
ლალი ჯანაშია	ტუბერკულოზის კოალიცია
დავით ჯიქია	ტუბერკულოზის კოალიცია
ეკა სანიკიძე	ტუბერკულოზის კოალიცია
გიორგი მდრადე	საქართველოს ჯანმრთელობისა და განათლების ხელშეწყობის ფონდის გამგეობის თავმჯდომარის მოადგილე, პასკ-ის წევრი
ნიკოლოზ მირზაშვილი	პაციენტთა კავშირი
ლამა თვალაშვილი	რეალური ხალხი, რეალური ხედვა, პასკ-ის წევრი
დავით ანანიაშვილი	საქართველოს პლიუს ჯგუფი, პასკ-ის წევრი
დავით კახაბერი	თანასწორობის მოძრაობა, პასკ-ის წევრი
პაატა საბელაშვილი	ECOM, მსმ თემი
ნანა ნაბახტეველი	ადგილობრივი ფინანსური აგენტი (LFA)
გიორგი სოსელია	MdM, ადვოკატირების ოფიცერი
ნათია ხონელიძე	ქვეყნის საკოორდინაციო საბჭოს ადმინისტრაციული ასისტენტი
თამარ ზურაშვილი	პოლიტიკის და ადვოკატირების სპეციალისტი

შეხვედრა გახსნა ქვეყნის საკოორდინაციო საბჭოს თავმჯდომარის მოადგილემ, **ქ-ნმა თამარ გაბუნია**, რომელიც მიესალმა დამსწრეებს და გააცნო შეხვედრის მიზანი: აივ და ტუბერკულოზის პროგრამებს შორის გლობალური ფონდის 2017-2019 წლების ალოკაციის პერიოდისათვის გამოყოფილი ბიუჯეტის გაყოფის განხილვა და შეთანხმება.

ქ-ნმა თამარმა დამსწრეებს წარუდგინა აივ და ტუბერკულოზის პროგრამებს შორის ბიუჯეტის გაყოფის დასაბუთება, რაც ეფუძნება ფინანსური საჭიროებების დეტალურ შეფასებასა და ანალიზს. თავდაპირველად მან ისაუბრა გლობალური ფონდის მიერ შემოთავაზებული გაყოფის შესახებ: გლობალური ფონდის საბჭოს 2016 წლის ნოემბრის გადაწყვეტილების თანახმად 2017-2019 წლების ალოკაციის პერიოდისათვის საქართველოსთვის გამოყოფილია 15,588,062\$ აივ-ის, ტუბერკულოზისა და ჯანდაცვის სისტემების გაძლიერებისთვის; მათ შორის აივ პროგრამისთვის 8,412986\$ (უტილიზაციის პერიოდი: 2019 წლის 1 ივლისიდან 2022 წლის 30 ივნისამდე), ტუბერკულოზის პროგრამისთვის 7,175,076\$ (უტილიზაციის პერიოდი: 2020 წლის 1 იანვრიდან 2022 წლის 31 დეკემბრამდე), ამასთანავე ჯანდაცვის სისტემების გაძლიერების კომპონენტისთვის რეკომენდებულია $\geq 9.3\%$. ასევე აღინიშნა, რომ 2017-2019 წლების ალოკაციის ოდენობა დამოკიდებულია თანადაფინანსების მოთხოვნის დაკმაყოფილებაზე და საქართველოსთვის გამოყოფილი ალოკაციის 25% ხელმისაწვდომი გახდება დამატებითი თანადაფინანსების ვალდებულების აღების შემდეგ. სახელმწიფო დაფინანსების მინიმალური დამატებითი ალოკაცია

ჯამურად ორივე პროგრამისთვის შეადგენს 3,897,016\$. ქ-ნმა თამარმა ასევე მოკლედ ისაუბრა წინა ალოკაციის პერიოდში აღებული და შესრულებული ვალდებულებების შესახებ: 2015-2018 წლებში აღებულთან მიმართებაში შესრულებული ვალდებულება შიდსის მიმართულებით მეტი იყო, ვიდრე ტუბერკულოზის, თუმცა ჯამური ვალდებულება შესრულდა იმაზე მეტად, ვიდრე მოთხოვნა იყო. მომდევნო ალოკაციის პერიოდისთვისაც ორივე პროგრამისთვის სავარაუდო დამატებითი ალოკაცია სახელმწიფოს მხრიდან აჭარბებს გლობალური ფონდის მიერ მოთხოვნილ მინიმალური დამატებითი ალოკაციის ოდენობას. ახალი ალოკაციის პერიოდისთვის გლობალური ფონდის მიერ პროგრამებს შორის შემოთავაზებული გადანაწილება შემდეგნაირია: 56% აივ/შიდსის და 44% ტუბერკულოზის პროგრამაზე. ხაზი გაესვა იმ ფაქტს, რომ აღნიშნული შემოთავაზების ცვლილება უნდა მოხდეს დასაბუთებულად, იმის გათვალისწინებით თუ რა იქნება ორივე პროგრამისთვის უფრო რაციონალური გადაწყვეტილება, როგორია პროგრამული საჭიროებები, და რამდენად ეფექტურად მოახერხებენ ეს პროგრამები ამ თანხების ათვისება, ასევე გასათვალისწინებელია დეფიციტები და რამდენად შეიძლება ამ დეფიციტების დაფარვა გლობალური ფონდიდან მოთხოვნილი თანხით (მაგ, პერსონალის ხელფასებს, დაწესებულების შენახვის ხარჯს და ა.შ გლობალური ფონდი არ დააფინანსებს).

ტუბერკულოზის პროგრამის საჭიროებები: ახალი სტრატეგიული გეგმის მიხედვით მთლიანი სავარაუდო ბიუჯეტი 2019-2022 წლებისთვის არის 53,646,777 USD. ქ-ნმა თამარმა დამსწრეებს წარუდგინა 2020-2022 წლების დაფინანსების საჭიროებები ტუბერკულოზის პროგრამისთვის სხვადასხვა წყაროების მიხედვით, ასევე ისაუბრა დაფინანსების დეფიციტზე. ხაზი გაესვა იმ ფაქტს, რომ დეფიციტი ძირითადად განპირობებულია პერსონალის ხელფასების ზრდით, რაც სახელმწიფო ბიუჯეტიდან უნდა დაიფაროს, ასევე სამედიცინო დაწესებულებების ფუნქციონირების ხარჯების გაზრდით. კიდევ ერთხელ აღინიშნა რომ ამ დეფიციტის დაფარვა ვერ მოხდება გლობალური ფონდიდან მოთხოვნილი თანხით. ქ-ნმა თამარმა მოკლედ მიმოიხილა 2019-2022 წლების თანადაფინანსების სცენარი, მათ შორის სახელმწიფოს კონტრიბუცია და მისი ზრდის ტენდენციები სტრატეგიული გეგმის ამოცანების მიხედვით. აღნიშნული სცენარით, მთავრობის მიერ გლობალური ფონდის მხარდაჭერაზე დაფუძნებული როლის შესრულების გათვალისწინებით, გლობალური ფონდის მხარდაჭერა, რომელსაც ეფექტურად გამოიყენებს ტუბერკულოზის ეროვნული პროგრამა იქნება 6.1 მლ, რაც ყოველწლიურად შეადგენს 2.03 მლ-ს 2020-2022 წლებში. შესაბამისად შესაძლებელი ხდება დარჩენილი თანხის, დაახლოებით 1 მილიონის აივ/შიდსის პროგრამაში გადატანა.

აივ/შიდსის პროგრამის საჭიროებები: 2020-2022 წლების პერიოდში აივ/შიდსის პროგრამის საჭიროება ყოველწლიურად დაახლოებით 22-23 მლ-ია და დეფიციტი შეადგენს 3.5 მილიონ დოლარს. მიუხედავად იმისა რომ ტუბერკულოზის პროგრამის დეფიციტი უფრო მაღალია, ამ უკანასკნელის შემთხვევაში დეფიციტის დაფარვა გლობალური ფონდიდან მოთხოვნილი თანხით ვერ ხერხდება. ტუბერკულოზის პროგრამის დამატებითი 1 მილიონი უზრუნველყოფს აივ პრევენციის ინტერვენციების გაფართოებას მსმ პოპულაციაში, რომელიც წარმოადგენს აივ

ეპიდემიის მხრივ ყველაზე მოწყვლად ჯგუფს საქართველოში და შესაბამისად გლობალური ფონდის დაფინანსების უფრო ეფექტური გამოყენების საშუალებას მოგვცემს.

ქ-ნმა თამარმა დამსწრეებს წარუდგინა პროგრამებს შორის თანხების გაყოფის შემოთავაზებული შესწორებული ვერსია:

საწყისი ვერსია	შესწორებული ვერსია	თანხა რომლის რეალოკაციაც უნდა მოხდეს ტბ პროგრამიდან აივ პროგრამაზე
აივ \$8,412,986.00	\$9,348,442.47	
ტბ \$7,175,076.00	\$6,239,619.53	\$935,456.47
სულ \$15,588,062.00		
აივ 54%	აივ 60%	
ტბ 46%	ტბ 40%	

ქ-ნმა თამარმა დისკუსია გახსნილად გამოაცხადა.

ქ-ნმა ირმა ხონელიძემ დამსწრეებს მიაწოდა ინფორმაცია წინა გრანტების პერიოდში პროგრამებს შორის თანხების გადანაწილების შესახებ და ასევე ხაზი გაუსვა იმ ფაქტს, რომ ახალი ალოკაციის პერიოდში მნიშვნელოვანია თანხები გადანაწილდეს ისე, რომ შემდგომში მოხდეს მათი სრული უტილიზაცია, ვინაიდან გლობალური ფონდის ახალი პოლიტიკის თანახმად პროგრამის განხორციელების ვადის გაგრძელება მოცემული ბიუჯეტით შესაძლებელი აღარ იქნება. ქ-ნმა ირმამ მიმართა დამსწრეებს, რომ გამოეთქვათ არგუმენტირებული მოსაზრებები თანხების გაყოფის შესწორებულ ვერსიასთან დაკავშირებით.

ბ-ნმა ზაზა ავალიანმა დიდი მადლობა გადაუხადა ქ-ნ თამარ გაბუნიას სტრატეგიის დოკუმენტის შემუშავებისთვის და აღნიშნა, რომ ცენტრი აქტიურად იყო ჩართული სტრატეგიის, მათ შორის ბიუჯეტის შემუშავების პროცესში, შესაბამისად თანხების გადანაწილების საკითხთან დაკავშირებით კომენტარები და შენიშვნები არ აქვთ.

ბ-ნმა კონსტანტინე ლაბარტყავამ, სამოქალაქო საზოგადოების/თემის სახელით მადლობა გადაუხადა სტრატეგიების შემქმნელებს დოკუმენტებზე მუშაობისა და პროცესში სამოქალაქო/სათემო საზოგადოების წარმომადგენლების აქტიური ჩართვისთვის. მან ასევე ხაზი გაუსვა გლობალური ფონდის დახმარების და ასევე არსებული ადგილობრივი უწყებათაშორისი ძლიერი კავშირების/თანამშრომლობის მნიშვნელობას სამოქალაქო და სათემო ორგანიზაციების განვითარების პროცესში.

ჯგუფის სხვა წევრების მხრიდან თანხების გაყოფის შემოთავაზებულ შესწორებულ ვერსიასთან დაკავშირებით საწინააღმდეგო მოსაზრება არ გამოთქმულა და საკითხი შეთანხმდა პასკ-სა და სამოქალაქო/სათემო საზოგადოების ფართო წარმომადგენლობასთან.

ქ-ნმა ირმა ხონელიძემ შეაჯამა შეხვედრა და მადლობა გადაუხადა დამსწრეებს მონაწილეობისთვის

ძირითადი გადაწყვეტილებები:

- აივ და ტუბერკულოზის პროგრამებს შორის გლობალური ფონდის 2017-2019 წლების ალოკაციის პერიოდისათვის გამოყოფილი ბიუჯეტის გაყოფა შეთანხმდა შემდეგი განაწილებით: 40% ტუბერკულოზის, ხოლო 60% აივ/შიდსის პროგრამისთვის;
- შეთანხმების შედეგები რეკომენდაციის სახით წარედგინება ქვეყნის საკოორდინაციო საბჭოს საბოლოო გადაწყვეტილების მისაღებად.

ოქმის შემდგენელი – თამარ ზურაშვილი

პოლიტიკის და ადვოკატირების სპეციალისტი